



Revisiun parziala dalla lescha da taglia digl cumegn da Surses

Cun la revisiun parziala dalla lescha da taglia digl cantun Grischun e la lescha cantunala davart las taglias communalas e davart las taglias da baselgia è las disposiziuns davart la taglia sen l'ierta e sen donaziuns neidas midadas. Igl dretg material è da nov reglo ainten las leschas cantunalas ed igls cumegns decidan angal ple, sch'els vottan incassar ena taglia sen l'ierta e sen donaziuns e la tariffa da taglia.

Tenor art. 37 alinea 3 dalla lescha da cumegns digl cantun Grischun pò la suprastanza communal concluder an atgna cumpetenza ena revisiun da lescha, sch'igl dretg communal stò neir adatto agl dretg superiour e sch'igl cumegn n'ò nigina libertad da regulaziun.

A caschung dallas sedutas digls 17 d'avost e 30 da november 2020 ò la suprastanza communal decidia ena revisiun dalla lescha da taglia communal. Chella revisiun pertotga unicamaintg l'adattaziun agl dretg superiour digl cantun; ella na cuntigna ni midadas dallas tariffas dalla taglia sen l'ierta e sen donaziuns ni novas regulaziuns u midadas.

La regenza digl cantun Grischun ò approvo la revisiun igls 15 da december 2020, tgi aintra an vigour sen igl 1. da schaner 2021.

La lescha revideida è activada sen la www.surses.ch (rubrica: adminstraziun > leschas e reglamaints). La lescha an furma stampada pò neir retratga agl spurtegl dall'administraziun communal a Tinizong (tel. 081 659 11 60).

Ulteriours sclarimaints dat igl secretari da taglia Martegn Caspar (tel. 081 659 11 63, e-mail steueramt@surses.ch).

Tinizong, igls 28-12-2020

Uffezi da taglia digl cumegn da Surses